



Broj: 07-04-3059-UP-1/2021
Bihać, 02.04.2021. godine

Na osnovu člana 29. stav (1) Zakona o udruženjima i fondacijama („Službene novine Federacije Bosne i Hercegovine“, broj 45/02), rješavajući po zahtjevu za upis u Registar udruženja za udruženje Vijeće mladih Grada Cazina, zastupano po licu ovlaštenom za upis u Registar udruženja, Ministarstvo pravosuđa i uprave d o n o s i:

RJEŠENJE

1. Upisuje se u Registar udruženja Unsko – sanskog kantona, Knjiga IX, pod registarskim brojem 337., dana 02.04.2021. godine Udruženje sa sljedećim podacima:

Naziv Udruženja: Vijeće mladih Grada Cazina;

Skraćeni naziv Udruženja: VMGC;

Sjedište Udruženja je: Cazina, Ulica Nurije Pozderca bb.

2. Ciljevi i djelatnosti Udruženja

Vijeće mladih ima obavezu djelovanja na jačanju uključenja mladih u društveni život zajednice i njihovom informiranju.

Vijeće mladih ima pravo i obavezu legitimno predstavljati i zastupati interese svojih članica i mladih na području Grada Cazina.

Vijeće mladih bit će direktno uključeno u proces izrade i provođenja strategija prema mladima u Gradu Cazinu s ciljem doprinošenja usvajanju i provođenju politike prema mladima i programa djelovanja za mlade koji najviše odgovaraju potrebama i pitanjima mladih.

Vijeće mladih bavit će se provođenjem zajedničkih projekata mladih u Federaciji, te članstva i učešća, odnosno predstavljanja pitanja mladih na višem nivou i na međunarodnom planu.

Vijeće mladih bavit će se i politikama koje se posredno dotiču mladih i koje utječu na opći razvoj i prosperitet, te opću društvenu dobrobit, kao i svim ostalim pitanjima koja se posredno odnose na mlade.

Vijeće mladih će delegirati svoje predstavnike/ce u stručna radna tijela i komisije pri organu lokalne uprave.

Vijeće mladih će učestvovati u realizaciji društvo korisnih projekata iz različitih sfera života i u osnivanju drugih pravnih lica, a u svrhu lokalnog razvoja Grada Cazina.

Vijeće mladih će sudjelovati u javnim raspravama i konsultacijama organa vlasti u procesu usvajanja: određene sektorske politike prema mladima, programa djelovanja za mlade, strategije prema mladima, dijelova budžeta koji se tiču pitanja mladih.

Zabranjene su djelatnosti Vijeća mladih koje su usmjerene na podrivanje ustavnog poretka i koje su u suprotnosti sa Zakonom.

Vijeće mladih niti njegove članice ne smiju se baviti aktivnostima kojima se na bilo koji način raspiruje govor mržnje, širi netolerancija, ksenofobija ili rasizam, ili vrši diskriminacija bilo koga po bilo kojoj osnovi.

Ciljevi Vijeća mladih jesu:

- Jačanje uključenja mladih u društveni život zajednice;
- Saradnja između članica Vijeća mladih i organa lokalne uprave;
- Promocija rada sa mladima i omladinskog rada;
- Popularizacija i širenje svijesti o značaju rada sa mladima i pristupa mladima;
- Poboljšanje uvjeta života mladih ljudi u Gradu Cazinu;
- Organizacija konferencija, stručnih seminara, savjetovanja, predavanja i sl.;
- Izrada strateških dokumenata i operativnih programa iz oblasti rada sa mladima i omladinskog rada;
- Osnivanje društveno odgovornih biznisa koji za cilj imaju poboljšanje uvjeta za život i zapošljavanje mladih u Gradu Cazinu, te pronalaženje drugih inovativnih rješenja za identifikovane probleme u lokalnoj zajednici;
- Organiziranje javnih rasprava, izrada analiza i prijedloga za unapređenje položaja mladih;
- Saradnja Vijeća mladih s drugim općinskim/gradskim vijećima mladih, kao i sa vijećima mladih na višim nivoima.

Radi ostvarivanja ciljeva Vijeće mladih naročito:

- Razmjenjuje informacije, iskustva i primjere dobre prakse među članicama;
- Neformalno obrazuje svoje članice i druge zainteresirane strane koje se bave pitanjima mladih;
- Izrađuje publikacije radi ostvarivanja ciljeva Vijeća mladih;
- Organizira konferencije, stručne seminare, savjetovanja, predavanja i sl.;
- Organizira javne rasprave, izrađuje analize i prijedloge za unapređenje položaja mladih;
- Izrađuje i provodi zajedničke programe, kampanje i javne inicijative članica Vijeća mladih;
- Javno zagovara interese i potrebe mladih;
- Sudjeluje u poboljšanju gradske politike prema mladima;
- Sudjeluje u izradi i provođenju gradske strategije prema mladima, te drugih gradskih strategija koji utiču na život i položaj mladih u Gradu Cazinu;
- Doprinosi razvoju sporta, kulture, umjetnosti, odgoja, obrazovanja, zapošljavanja, volonterstva i drugih sfera života od interesa za mlade kroz realizaciju društveno korisnih projekata, a u skladu sa Zakonom;
- Organizuje, provodi i realizira projekte iz oblasti zaštite okoliša, te učestvuje i organizuje ekološke volonterske akcije;
- Pruža savjetodavnu pomoć članicama i pojedinačnim mladim ljudima;
- Inicira i realizira projekte koji će se baviti pitanjima od važnosti za mlade;

- Povezuje se sa drugim vijećima mladih, organizacijama i institucijama zbog zajedničkog djelovanja na poboljšanje života mladih u Gradu Cazinu;
- Sudjeluje u javnim raspravama i konsultacijama organa vlasti;
- Potiče mlade ljude da sudjeluju u razvoju demokratskog društva, naročito kroz odgovorno i samostalno djelovanje, kritičko mišljenje, kao i socijalno i solidarno ponašanje;
- Potiče mlade ljude na međusobno razumijevanje i spremnost na saradnju u društvu;
- Djeluje protiv militarističkih, nacionalističkih, rasističkih i totalitarnih stremjenja članica ili pojedinačnih mladih ljudi;
- Potiče cjelokupnu lokalnu zajednicu na primjerenu i prilagođenu ponudu aktivnosti iz oblasti rada s mladima i omladinskog rada;
- Saraduje sa neformalnim grupama mladih, potiče njihov razvoj, te ih uključuje u svoje aktivnosti gdje za to postoje mogućnosti;
- Zalaže se za ravnopravnost spolova, društvenu uključenost i jednake mogućnosti za sve mlade ljude;
- Obavlja druge poslove i zadatke koje su utvrđene propisima iz oblasti rada s mladima i omladinskog rada.

3. Lica ovlaštena za predstavljanje i zastupanja Udruženja su:

- Abdić Adis – predsjednik Vijeća mladih Grada Cazin;
- Jušić Sara – sekretar Vijeća mladih Grada Cazin

O b r a z l o ž e n j e

Vijeće mladih Grada Cazin obratilo se ovom Ministarstvu zahtjevom za upis u Registar udruženja Unsko-sanskog kantona.

Uz zahtjev za upis u Registar udruženja i kasniji podnesak uz koji je dostavljena dokumentacija kojom se otklanjaju nedostaci u dokumentaciji dostavljenoj uz zahtjev, dostavljena je slijedeća dokumentacija:

- Odluka o osnivanju Vijeća mladih Grada Cazin;
- Podaci o osnivačima uz ovjerene fotokopije rješenja o upisu u Registar udruženja;
- Popis članova upravnog tijela Vijeća mladih Grada Cazin;
- Odluka o imenovanju lica ovlaštenih za predstavljanje i zastupanje Vijeća mladih Grada Cazin;
- Statut Vijeća mladih Grada Cazin u dva istovjetna primjerka;
- Odobrenje o unošenju naziva Grada u naziv Vijeća mladih Grada Cazin

Uvidom u dostavljenu dokumentaciju, utvrđeno je da su podneseni svi dokazi propisani članom 10. točka 4. i članom 28. Zakona o udruženjima i fondacijama, te članom 5. Pravilnika o načinu vođenja registra udruženja i fondacija i stranih i međunarodnih nevladinih organizacija („Službene novine Federacije Bosne i Hercegovine“, broj 61/02), a na osnovu čega je u skladu sa članom 29. stav (1) i (2) Zakona o udruženjima i fondacijama odlučeno kao i u dispozitivu ovog rješenja.

U smislu odredbe člana 33. Zakona o udruženjima i fondacijama, Vijeća mladih Grada Cazin je dužno prijaviti promjenu statuta, naziva, sjedišta, djelatnosti, lica ovlaštenog za predstavljanje i zastupanje, članova organa upravljanja, pripajanja, razdvajanja ili transformaciju i prestanak rada Vijeća mladih Grada Cazin u roku od 30 dana od dana izvršene promjene.

Taksa na ovo rješenje u iznos od 150,00 KM naplaćena je po tarifnom broju 15. tačka e) Zakona o administrativnim taksama i tarifi kantonalnih administrativnih taksa – prečišćeni tekst („Službeni glasnik Unsko – sanskog kantona“, broj 17/16).

Pouka o pravnom lijeku: Ovo rješenje je konačno i protiv njega se ne može izjaviti žalba, ali se može pokrenuti upravni spor, tužbom, pred Kantonalnim sudom u Bihaću u roku od 30 dana od dana dostavljanja ovog rješenja. Taksa na tužbu iznosi 50,00 KM.

Voditelj postupka: Mumin Nezić, dipl. pravnik

Dostaviti:

1. Vijeća mladih Grada Cazin.
Cazin, ul. Nurije Pozderca bb
2. Federalno ministarstvo pravde, Sarajevo;
3. Ministarstvo obrazovanja, nauke, kulture i sporta, Bihać;
4. U zbirku isprava;
5. a/a.



Mumin Nezić, ovlaštenju Ministra
Sekretar Ministarstva

Mumin Nezić, dipl. pravnik